


定夷說集





中華民國八年一月出版

定夷說集上下二冊

定價大洋一元四角

著者 毘陵李定夷

校訂者 吳興包醒獨

印刷者 上海國華書局

發行者 上海國華書局

分售處 各省各大書坊

總發行所 上海四馬路國華書局



著名定夷說集後編

毘陵李定夷著

亡國慘史美人魂

嗟乎銅駝荆棘。索靖含悲。戎馬關山。曲江馳祭。千古奇痛。有甚於江山破碎。社稷邱墟者乎。無古今。無中外。每當國家亂離之時。必有慷慨悲歌之士。演成一二可泣可歌之事。足令後人憑弔。無窮精誠所結。或著靈異。既非如青蛇墮殿。舊燕渡江之附會。又非如泥人脫帽。敗帚掃花之荒誕。生而爲英。死而爲靈。世間果有此理耶。壬子之秋。余客居滬上。操筆政於某報社。識韓人某某爲韓之英彥。自丁國難。盡散家財。以此不容於國。來作春申寓公。當我國民軍起義時。遣其子弟與軍役。某則奔走寧滬之間。頗多獻替。社中爲設榻焉。公餘相值。輒作長談。某熟於韓國掌故。天寶宮人能話前事。每及國變。死節者輒爲歔噓泣下。而於某妃及某宮娥事言之尤能詳盡。燕子歸來。還識王侯故宅。秋墳吟唱。猶疑霓裳羽衣。此一段亡國傷心史。豈荒唐神怪之言可比耶。妃氏某某爲韓之大族。妃侍韓王李熙。秀外慧中。明決果敢。目覩國勢衰弱。頗有振作之志。參預政事。王甚任之。時日本侵韓。日亟以三浦大將任駐韓公使。三浦爲軍事家。

聲威宿著。既蒞漢城。多方要求。無不爲妃拒絕。緣是與日人惡感。頗深。妃素信任母黨李氏之族。怒視於旁者。大有人在。日人乃謀諸李族。推翻妃黨兵及宮門。斬關深入。遂演成殘酷。無上之悲劇。使此世上第一美人身葬火窟。魂化紫烟。古今帝后之末路。未有慘於某妃者也。顧慘死之不足抑且。矯詔廢黜。誣爲淫妓。在天之靈。能無抑塞不平乎。妃之近侍。有宮娥二人。一姓申。一姓閔。申則靈敏機智。閔則忠誠篤厚。俱有文才。輔翬某妃。不啻左右兩臂。內外臣工。所上章奏。雙娥恒代妃披覽。可之否之。輒如妃意。韓王則庸懦無能。僅尸位畫諾而已。

當外兵之寇宮也。韓王倉皇聞變。驚懼不知所爲。妃急發軍令。飭王宮衛隊拒戰。統隊官爲俄人薩伯典及美人某薩已先爲敵人所困。某則束手無策。坐觀成敗。雖兵士盡力抵禦。而統率無人。卒難持久。屍積宮門。溝壑爲赤。王與妃伏處大內。遙聞彈雨之聲。相對作楚囚泣。欲呼籲於俄使。則俄國軍隊鞭長莫及。欲乞援於中國。則中國自甲午而後。已失戰鬪力。宮內大臣且時以敗耗聞。宣召臣工。無一至者。宮娥侍從環跽王妃左右。叩首乞命。王默無一言。惟齒牙格格相擊。耳妃盡揮之。退衆皆奔竄。惟申閔二娥。

甘與王妃同生死。獨留不去。妃旋奏於王曰。國事危矣。陛下紹祖宗遺業。際此萬急之秋。當謀所以保全。祖宗顏面者。毋作此婦人態。王不得已。出御便殿。妃又顧二娥曰。余以婦人之身。主持國政。牝雞司晨。本違祖訓。祇以國事紊亂。從權出此。詎知因此之故。擣人之怒。今寇集宮門。無非欲得余而甘心耳。余一婦人。死不足惜。萬一如天之福。宗社危而後安。余雖死有汝二人。尙其善侍陛下。言未終。呼喚之聲大振。有老宮監疾趨而入。報王已被獲。敵兵長驅直入宮內。大臣禦之不敵而死。妃聞其言。立促二娥他奔。已則急易宮娥服裝。匿於某宮娥臥室之門後。喘息未平。敵兵已至。蓋韓國宮宇襲用古制。門窗悉以油紙製成。雖扃以管鑰而碎。牖破門亦如摧枯拉朽耳。外兵入內。凡遇宮人。輒鞭撻之。詢以王妃所在。宮娥受妃恩。率僞答之大。而正宮小而偏室。無不徧尋。而卒不得妃之形影。或曰。必乘紛擾之際。出宮門矣。或曰。是必雜於衆宮娥之中。敵將小香原者。爲人頗機警。獨謂韓王旣被獲於便殿。王妃必尙在宮內。王與妃伉儷素篤。妃當不至遺王獨走。卒獲妃於宮娥臥室之門後。初不知其爲妃也。問以是否。王妃妃以宮娥對。小香原驚其美。頗疑所言。故先縱之以探真情。妃行不數武。

疾呼。太子之名小香。原始信確爲王妃。追而獲之。積憾既深。怒心益甚。無情之彈丸。遂送妃入血海中矣。繼置之於鹿囿林內。效佛家火化之法。不使留遺。蛻於人間。申閔二宮娥。目覩妃之慘死。痛憤莫可言狀。閔宮娥尤爲悲悼。見仇人罵不絕口。觸樹而死。死處卽妃焚身之所。時韓國某貴人。藉外勢之擁戴。仍爲攝政王。窮捕妃黨。斬草除根。聲勢洶洶。申宮娥知不可免。逃入民間。爲尼某貴人疑其已死。遂不深究。且當宮庭紛亂。大局未平之時。亦不暇窮治一宮娥也。

炮烙爲刑。暴君之政事在文明未啓時代。猶受萬世詬病。而況近今三十年間。各國競尙人道主義。戮之不已。又復焚之。其殘酷甚於炮烙多矣。當時各國輿論一致。攻擊僉謂此舉實爲無人道之尤者。夫已氏自知將爲文明國所不齒。於是逮捕四罪犯。飾人耳目。某貴人之氣燄大殺。韓王且下詔復妃位號。予諡建祠。於是申宮娥復入宮。一則目覩陸沉。激刺欲陳。諸韓王以冀君之一悟。俗之一改。一則欲慰韓王悼亡之念。與夫驚恐之情。據申所言。有三事足令人髮指者。是可爲亡國之殷鑒也。韓之官吏齊某。閔某等俱妃黨也。夫已氏自謂爲韓剷除妃黨。有莫大之功。一切軍糈服用。韓人皆有毀

家捐納之義務。王妃既死。卽捕齊某閔某等凡四五人。各索十萬金。否則本屬妃黨。當殺無赦。諸人有從有不從其從者仇人見彼慷慨無吝色。疑其家產必數倍。或數十倍。於此則又藉他端胥索多金。其不從者駢縛成列。以數兵發鎗擊之。既死復以劍刺其腹。肝腸流出。慘不忍觀。而兵士乃大樂格格作鷺鷥笑。此其一也。韓之國俗最重貞節。良家婦女終年伏處深閨。不輕見客。如爲人竊見。則以爲大辱。夫被見且以爲辱。被姦更不待言。有某民婦家室女三人俱有殊色。當大局紛亂之時。兵無紀律。闖入民家。逼而姦之。姊妹三人長者罵賊不屈。姦而被戮。次者少者雖未嘗鎗劍之鋒。亦已奄奄垂盡。尤可悲者女母因遭家難。痛哭失聲。兵士疑其呼救。以鎗柄擊破其腦而死。次女姊妹見母姊俱死。且身遭大辱。又受重創。俱自刎而死。一家四人頃刻俱盡。痛乎不痛。慘乎不慘。此其二也。此外尙有去髻一事。其強迫騷擾情形無殊滿清入關強我剃髮之時。韓之風俗素重視頂髻。以束髮於頂之日爲人生成丁之年。有髻者爲君子。無髻者爲小人。驟奉嚴令。引爲奇辱。於是父詔兄勉。誓與髻俱生死。夫髻固不適於生存。然習俗相沿。已千百年。欲剪除之。亦當體察輿情。循循善誘。乃陽假文明之名。而陰行野

蠻之實。夫已氏之處。心不問而知。漢城釜山。仁川等處。旣頒去髻之令。志在速成。強剪路人之不已。復按戶而查察。之不從。則以軍律從事。殺人如麻。在所不顧。某統兵官嘗語人曰。韓之民族。世界最齷齪之民族也。恨不殲盡其類。留得一片淨土。爲我帝國殖民地。夫已氏之設心。如是。韓人其能幸免乎。凡此三者。皆申宮娥所欲陳訴於韓王者也。

申宮娥旣返宮。知韓王爲夫已氏所禁錮。已失身體上之自由。某貴人雖不公然與己爲難。猶是朝中主者。當仰其鼻息。視顏事仇。其何以對王妃於地下。因渙某大臣言於某貴人。請爲王妃守祠。貴人素畏其才。恐返宮之後。謀奪政柄。因許其捨身。妃祠申旣奉命不俟。終日卽赴妃祠。初意王妃之祠。必有莊嚴燦爛之象。乃知至則僅見矮屋數楹。鐵將軍爲之守門。始恍然於妃之榮辱。皆非王之所賜。王特爲人傀儡耳。祠懸妃像。本宮中物。歷年旣久。已失其眞。申宮娥撫今追昔。舊恩難忘。新痛尤悲。不禁伏地大慟。一聲陛下。行雲爲遲。祠本陰黑。兼之久。無居人。尤覺森森有鬼氣。第申以與王妃習處有年。不爲之懼。堦前古樹一株。微風過處。簌簌作響。間有寒鴉三五飛鳴而過。疑是魂

兮。有。靈。化。鶴。歸。來。也。申。哭。而。量。量。而。蘇。者。再。從。此。長。伴。青。燈。與。鬼。爲。鄰。不。願。再。墮。塵。網。問。人。問。事。矣。

一。夕。夜。色。深。沉。陰。霾。滿。布。涼。風。蕭。瑟。遠。寺。鐘。聲。相。與。唱。和。申。娥。撫。衾。太。息。寢。不。成。夢。起。視。窗。外。樹。影。婆。娑。直。逼。屋。宇。而。進。毛。髮。悚。然。不。寒。而。慄。三。更。既。屆。倦。極。就。枕。忽。見。女。侍。入。室。報。王。妃。宣。召。商。議。國。事。至。則。披。覽。奏。章。一。如。平。日。申。娥。若。明。若。昧。愉。恍。不。能。自。主。王。妃。忽。失。所。在。已。亦。倏。至。巨。林。間。返。身。四。顧。彷彿。在。鹿。囿。中。也。林。外。有。吟。聲。嗚。嗚。咽。咽。婉。轉。淒。涼。若。遠。若。近。如。泣。如。訴。彷彿。猶。可。辨。認。若。曰。

淒風淡月。新秋夜。獨立荒陵。對帝星千里。江山猶是。昨何堪。回憶舊宮庭。

其聲低宛。絕類女子。申方驚疑之間。又聞有聲曰。文臣愛錢。武臣惜死。黃鐘毀棄。瓦缶雷鳴。韓祚之斬。不出十稔矣。其音較前清晰。頗類王妃。申益疑惑。似知王妃已死。趨往發聲之處。則又闕焉。無人。深林寂寂。似又有餘音繞樹也。正遐想間。忽又聞吟聲曰。

君王父子同幽禁。又復驚沉婺女星。縱使阿儂能化鶴。歸來僅賸舊門庭。

吟聲清澈。似又一人和之者。三復回誦。語音漸澀。忽聞前一人言曰。汝惓惓於君國。雖

死。不。忘。殊。堪。嘉。尙。後。一。人。答。曰。明。妃。月。冷。猶。歸。環。珮。之。魂。紫。玉。烟。沉。尙。想。衣。裳。之。色。妾。獨。何。心。遽。能。忘。乎。言。次。聲。各。寂。然。申。欲。再。追。究。之。忽。爲。斷。鐘。之。聲。所。驚。遽。然。而。覺。則。一。幻。夢。也。窗。上。略。透。白。光。似。有。憧。憧。黑。影。往。來。其。間。申。爲。之。作。寒。噤。者。再。回。憶。夢。境。歷。歷。在。目。陰。念。曰。王。妃。在。天。之。靈。其。歸。來。耶。抑。以。余。思。念。王。妃。結。想。所。致。耶。余。固。不。能。詩。烏。來。唱。和。之。作。信。然。王。妃。烈。魂。歸。來。矣。然。而。王。妃。不。歸。祠。宇。猶。依。此。傷。心。之。叢。林。何。耶。意。者。此。祠。之。成。夫。已。氏。實。爲。主。動。妃。雖。有。靈。亦。不。願。來。享。耶。是。耶。否。耶。冥。想。有。頃。天。色。白。矣。披。衣。而。起。至。神。龕。前。伏。而。禱。曰。願。王。妃。陛。下。呵。護。宗。社。毋。使。顛。覆。臣。妾。當。奏。聞。吾。王。重。爲。陛。下。營。造。新。祠。以。享。千。秋。血。食。禱。旣。仰。展。遺。像。似。覺。盈。盈。欲。下。若。有。靈。機。者。然。韓。王。旋。偕。太。子。奔。俄。使。館。俄。人。護。之。入。宮。復。掌。政。柄。申。娥。入。宮。謁。王。詳。陳。前。後。避。難。情。形。復。及。夢。見。王。妃。事。韓。王。雖。昏。庸。然。伉。儷。之。情。綦。篤。聞。之。悼。甚。申。娥。又。請。於。韓。王。爲。妃。修。葺。祠。宇。以。妥。英。靈。王。從。之。顧。恐。逢。忌。者。之。怒。不。敢。大。興。土。木。僅。允。略。事。粉。刷。而。已。王。欲。留。申。娥。居。宮。中。申。謁。謝。曰。臣。妾。已。身。許。王。妃。終。身。當。爲。妃。守。祠。矣。韓。王。曰。王。妃。中。途。棄。予。閔。娥。又。以。身。殉。予。幾。舉。目。無。親。王。妃。當。必。不。忍。於。予。汝。體。王。妃。之。心。以。爲。心。留。宮。

侍予可也。申娥稽首曰：天恩高厚，敢不敬從。惟乞陛下念王妃殉國之慘，繼今而往，興利除弊，發憤爲雄。王妃雖不能生，見韓國之強，亦當含笑於地下。至於婦人女子，尤宜擯絕。陛下當爲國珍重，龍體臣妾，瀆冒天威，死罪死罪。言罷，崩角有聲，血流如注，不知其痛也。韓王知不可強，縱之返祠。

去韓宮數里之遙，有朱門黃壁，屹立夕陽影裏，日光返射其上，慘淡作殷紅色，彷彿爲韓人流血紀念者。此非新葺之王妃祠耶？守祠者爲一宮娥，不問而知爲申某也。自後申娥不復夢王妃離羣獨處，無異冷宮。時聞杜宇哀鳴，遊鴻悲唳，以弔其孤寂而已。

亡國慘史 塔下囚

凍雨橫飛，狂風怒吼，寒涼慘結。牧馬悲鳴，噫！此非塞外苦寒景象乎？陰沉黯淡之氣，幕罩榆粉之野，鳥飛不下，獸鋌忘羣。當此荒涼幾疑羅刹地獄，卽在人間也。俄屬阿穆爾省督署之西，有破屋一所，韋韞毳幕，日受風雨侵損，隙處可以窺天。居其中者，罪犯百數十人，雖並肩蟄伏，相與禦寒，猶穀餼如經秋夏。蟬微聞，一人太息，言曰：飢寒交逼，生不如死。又一人應聲曰：今雖凍餒，猶愈於酷刑。余受烙炮，暈而蘇者屢矣。言次，相與泣。

然遙聞遠處樂聲洋洋馬蹄得得則阿穆耳總督閱兵歸來矣總督身被重裘其坐騎亦裹以狐貉彼獄中罪犯曾馬之不若也

亡何有獄卒持鞭而至雙目炯炯獍猛可畏傳總督命審訊罪犯衆犯奉命惟謹魚貫出獄門獄卒尾之如驅犬羊行或稍遲拳足交加入總督署兩廊衛兵荷鎗直立衆犯膝行而前不敢略一仰視及堦皆潛伏不動堦旁置刑具凡十餘種無一爲人道所許可者總督高坐堂皇旁侍審判官二人氣象森嚴望而生畏旋聞庭丁傳呼費士德諾聲震瓦屋費士德諾應聲而起審判官問曰汝何故圖刺大將軍費得蘭公爵汝知罪乎充配來此尙係法外之恩費士德諾曰刺大將軍者爲哥修亞業已被僇於小民不涉也審判官勃然大怒拍案有聲曰汝尙狡賴乎汝非哥修亞餘黨乎汝波蘭人皆賤種不用嚴法非所以待亡國奴也言次請示於總督總督曰可治以第六種刑具審判官目視庭丁庭丁遂下堦執費士德諾不容再申辯詞驅至刑具之旁亦如審判官言曰汝波蘭人皆賤種死一人猶不如死一鷄一狗之重語時反繫費士德諾之手足懸之空中置之刑具之中刑具以熟鐵製成上下鐵板厚且及寸大可方尺以犯者胸部

就之犯者身既懸空迭加重量於其上。身愈重上下兩板之距離愈近。充乎其極。可令胸骨成爲齋粉。費士德諾者。本波蘭之志士。當一千七百九十五年。曾隨哥斯基烏鎖起兵拒俄。失敗之後。哥氏逃於義大利。費氏變易姓名。俄波蘭總督欲捕之。而無左證。故藉哥修亞謀刺案以陷之。在費氏既以身許國。本不計生死利害。受茲酷刑。惟瞑目待死耳。

時堂上又傳柴魯士。柴魯士者。爲倡義之嫌疑犯。解至阿穆爾省充兵役。因用波蘭土語與同役者言爲邏者所執。遂下於獄。堂上傳呼之。頃柴魯士戰慄而起。審判官曰。此案有成例。可援當斬決。言頃。卽有荷槍鶴立之兵士至。驅柴魯士上斷頭台。其刑具以機器製成。如農家所用礮草器機紐一動。身首立分。柴魯士既被此酷刑。兵士乃大笑。樂棄其屍於溝。而火其首相。與鼓掌不置。堂上長官漫不過問。又傳他犯訊鞫。或以誤犯軍律受禍。或以不任苛役獲罪。更有未成年之孩童。從波蘭強拘之來。以思念父母而入獄者。審判官略一訊問。卽高唱曰。某付某刑。某付某刑。囑咐既畢。宣告閉庭。總督退座。審判官從之。而此一般無告之亡國奴。遂悉任庭丁處治矣。其刑有名火炙紅鰓者。

縛犯人於紫銅板上。下燃以火。火燄漸盛。銅板漸熱。犯人皮膚始則灼傷。既而糜爛。猶古之炮烙也。有名水火交濟者。先以鐵線燃紅。刺入犯人之臀。犯人痛極而呼。則易以打水。器以水灌其腸部。而火而水。而水而火。幾番更迭。犯人無有不暈絕者。有名金龍超度者。則縛犯人於毒蛇籠中。使其手足受蛇之嚙。蛇曾經人訓練。祇嚙手足。使犯人活受痛苦耳。凡茲酷刑。不僅人道所不許。亦人意所不及料也。

衆犯既各被酷刑。有呼號失聲者。有暈而復蘇者。有一瞑長逝者。其死者棄之荒塚間。其幸而不死者。膚傷骨折。疲不能行。獄卒猶鞭而趨之。疾行或至半途顛踣。屢起屢仆。獄卒鞭之益急。似以爲非如是者不足示其威福。而嚴刑峻法。又似亡國奴應受之罪也。犯中所謂費士德諾者。被刑未死一息。尙存。惟胸骨已折。不能直立。乃匍匐而前。傾仆者屢矣。氣憤之餘。厲聲語獄卒曰。汝俄羅斯人。毋如此暴戾驕橫。吾波蘭不乏好男兒。盛衰循環。無往不復。終必以汝之道報汝之身也。獄卒聞言。怒不可遏。磨拳擦掌。猛擊費士德諾之胸部。費氏復仆。口中鮮血迸流。勢如泉湧。而獄卒餘勇可賈。鞭猶不止。地上白石染成紅色。此可憐之波蘭志士。遂於此時從殉國諸先烈而去。

獄卒指費氏之屍語他犯曰。此好榜樣。爾亡國奴。只合如此待遇。其怯弱者。畏彼虎威。噤不敢聲。就中有二。三人性氣較烈。且知既入囹圄。遲早不免一死。憤然而前曰。文明強國之所爲。固如是乎。吾波蘭尙有君王在。尙有四萬二千方土在。獨不能背城借一乎。獄卒仰天笑曰。王位乎。吾帝國將以兵臨之。汝之君王行將爲吾亞力山大帝之御僕。土地乎。無一草一木不在吾帝國統治權之下。行將盡爲我殖民地矣。汝等身爲亡國奴。尙不自知爲奴。無惑乎國之亡也。言次。格格作驚鶩笑。鶩猛殆難言狀。衆犯爲之戰慄。不置。旣入獄。彼此仍相依禦寒。如初。其受刑傷者。或撫足而哭。或捧心而呼。顧皆不敢放聲。恐爲獄卒所聞。又將施以鞭笞也。衆犯之中。有名桑約伯者。卽頃者面斥獄卒之人。私語於衆曰。國之不兢。受人荼毒。理所當然。惟彼俄人待我輩。實太無人道。我輩旣生入此黑暗牢籠。斷難復望生出。與其受盡痛苦而死。不如一刀兩斷。較爲直捷痛快。與其枉送此身。不如先殺彼一人。以洩胸頭之恨。衆犯頗聽其說。桑約伯又曰。斯達爾夫（阿穆爾總督名）深居簡出。護從又衆。我輩決不能一逞。無已。其撲殺此獠乎。此獠狐假虎威。與我輩相處。最習我輩。受其酷刑。亦最重。俟其來室。當與衆共擊之。言

時雖不指明此獠爲何人而衆犯辨其語氣知屬意於頃者監行之獄卒也無何獄卒果至桑約伯奮臂一呼猛躍而前獄卒出於不意竟爲所仆於是衆犯蜂擁而起或以足踏之或舉椅擲之獄卒雖具武力衆寡究不相敵惟狂聲呼救門外巡邏之兵聞聲趨入覩衆犯凶毆獄卒狀卽開槍轟擊格殺勿論衆犯手無寸鐵無從抗拒飲彈而死者六人桑約伯亦預焉獄卒爲巡兵所誤擊亦彈珠貫腦而死

反獄之耗旣聞於斯達爾夫勃然大怒語審判官曰吾帝國罪犯反獄律且著爲死刑矧彼亡國餘孽乃敢凶毆獄卒此風斷不可長宜嚴懲之審判官曰獄中皆死囚其悉梟首示衆乎斯達爾夫唯唯且曰此案不俟審訊卽可明正典刑也此消息旣播於衆各署獄卒齊集督署謂總督所判尙覺太輕其死者應戮其屍其生者非凌遲無以儆其餘斯達爾夫俯順獄卒意擇其情罪較重者凌遲處死餘悉如原議從此破屋之中陰沉慘淡更甚於前惟不復聞罪犯歎息聲矣

定夷曰是篇所記十九世紀中事也當時波王尙擁虛位及拿破崙起於法嘗許波人以自立拿破崙既敗俄始盡吞波蘭廢總督之制改爲省彼得堡直隸顧波蘭小朝廷存